

Ard-Mhúsaem na hÉireann

---

**museum**

National Museum of Ireland

*Ard-Mhúsaem na hÉireann*

Feidhmeannach Margaíochta

Ard-Mhúsaem na hÉireann

**LEABHRÁN EOLAIS**

# Ard-Mhúsaem na hÉireann

Tá iarratais á lorg ag **Ard-Mhúsaem na hÉireann** ó iarrthóirí oiriúnacha chun post mar Fheidhneannach Margaíochta a líonadh ag Dún Uí Choileáin. Is deis spreagúil é seo chun dul isteach i bhfoireann margaíochta agus cumarsáide institiúid náisiúnta chultúrtha agus ról a chomhlíonadh maidir le plean straitéiseach nua trí bliana an Ard-Mhúsaem a mhúnlú, plean dar teideal *Cumas a Fhorbairt, Athrú a Chur i gCrích*.

## Teideal an phoist

Feidhmeannach Margaíochta ar scála an Oifigigh Fheidhmiúcháin. Conradh Téarma Socraithe 12 Mhí.

## Suíomh

Beidh an té a cheapfar ag obair in Ard-Mhúsaem na hÉireann – Ealaíona Maisiúla & Stair, Dún Uí Choileáin, Sráid na Binne Boirbe, Baile Átha Cliath 7. Is féidir go n-iarrfar ar an té a cheapfar taisteal chuig láithreáin eile de Ard-Mhúsaem na hÉireann ar ócáidí.

## Ag tuairisciú do

Tuairisceoidh an Feidhmeannach seo don Cheannasaí Margaíochta.

## Cuspóir an Phoist

Is é cuspóir an ról seo mar Fheidhneannach Margaíochta straitéis mhargaíochta digití agus pleananna cur chun cinn Ard-Mhúsaem na hÉireann a bhainistiú agus a chur i bhfeidhm go háirithe ar láithreáin Bhaile Átha Cliath den Ard-Mhúsaem.

## Dualgais agus Cúraimí

Oibreoidh an Feidhmeannach faoi stiúir an Cheannasaí Mhargaíochta agus mar bhall d'Fhoireann Margaíochta an Mhúsaem, sna réimsí gníomhaíochta seo a leanas:

- Feasacht a chothú ar Ard-Mhúsaem na hÉireann mar cheann de phríomh-institiúidí cultúrtha agus oideachais na tíre
- Cabhrú chun straitéis margaíochta digití a fhorbairt chun a chur ar chumas an Ard-Mhúsaem cuairteoirí agus athchuariteoirí a mhealladh ar láithreáin an Mhúsaem agus ar líne
- Láithreach d'ghigiteach an Ard-Mhúsaem a fhorbairt agus a fhás ar na hardáin roghnaithe straitéiseacha i gcomhar le ranna agus geallsealbhóirí ábhartha eile
- Feachtais ar líne a chur i dtoll a chéile chun pleananna taispeántais agus clár an Ard-Mhúsaem a fhorbairt agus a thacú.
- Dul i mbun oibre go réamhghníomhach le príomhpháirtithe leasmhara inmheánacha (m.sh. na Ranna Oideachais & For-rochtana, agus Coimeádaíochta) chun eispéireas breisithe ar líne a chruthú don chustaiméir.
- Ábhar spreagúil mealltach a chruthú (grianghrafadóireacht, físeáin agus insint scéil) a mheallfaidh sprioclucht féachana an Ard-Mhúsaem.
- Bainistíocht a dhéanamh, nuair is gá, ar pleananna cumarsáide digití an Ard-Mhúsaem le gníomhaireacht sheachtrach caidreamh poiblí.
- Teagmhálaithe ar fud ardáin CRM an Ard-Mhúsaem a fhorbairt agus a choimeád
- Tomhas agus tuairisciú a dhéanamh ar fheidhmíocht gach feachtais mhargaíochta digití, agus measúnú a dhéanamh i gcomparáid le spriocanna (ROI agus KPIanna), lena n-áirítear nuacht mhargaíochta digití seachtainiúil a sholáthar don fhoireann

# Ard-Mhúsaem na hÉireann

---

- Feasacht lucht na spriocmhargaí ar an Ard-Mhúsaem mar institiúid chultúrtha agus oideachais il-láithreán a chur chun cinn.
- Líonrú a dhéanamh chun feasacht ar Ard-Mhúsaem na hÉireann agus aitheantas dó a chur chun cinn i measc comhpháirtithe agus soláthraithe seirbhíse éagsúla san earnáil ( Tourism Ireland, Fáilte Ireland agus institiúidí cultúrtha eile)
- Cabhrú chun fógraíocht ar mheáin éagsúla ar líne, chlóite, chraolta agus eile a bhainistiú agus a chur i bhfeidhm
- Taispeántais agus cláir a chur chun cinn trí lainseálacha agus ábhar cur chun cinn dírithe ar spriocmhargaí ar leith
- Cabhrú chun obair caidreamh poiblí a dhéanamh trína ndírítear ar mheáin ábhartha
- Dul i mbun oibre go dlúth leis an bhFoireann Margaíochta i bPáirc Thurlaigh chun an tArd-Mhúsaem a chur chun cinn mar institiúid ceithre láithreán.
- Aon dualgas eile atá oiriúnach don phost agus a d'fhéadfaí a shannadh ó am go chéile.

## Sonraíocht Phearsanta

### Riachtanais

- Ní mór cáilíocht tríú leibhéal (Leibhéal 8 nó níos airde den CNC) sa Mhargaíocht, sa Mhargaíocht Dhigiteach nó cáilíocht chomhionann atá inghlactha don Mhúsaem a bheith ag iarratasóirí, **mar aon le** taithí trí bliana ar a lagadh sa mhargaíocht, i mbainistíocht buiséad agus i bhforbairt branda
- Taithí ar mhargaíocht dhigiteach agus ar feachtais meán sóisialta a chur i bhfeidhm
- Eolas ar theoiric agus cleachtas na margaíochta agus tuiscint ar ról straitéiseach na margaíochta
- Taithí ar bhainistíocht thionscadal acmhainní daonna
- Eolas ar phróisis taighde margaidh
- Taithí ar bhainistíocht imeachtaí agus tionscadal
- Eolas ar fheidhmeanna meán – le béim ar leith ar na meáin dhigiteacha
- Tuiscint ar conas seirbhís a chur ar fáil do chustaiméirí
- Taithí ar mhargaíocht dhigiteach agus ar na meáin shóisialta
- Sársceileanna TF
- Scileanna maithe cumarsáide, scríofa tuairiscí agus eagraíochtúla – go háirithe ar bhonn trasfheidhmiúil
- Bainistíocht buiséad
- Smaointeoireacht chruthaitheach, an cumas oibriú ar a t(h)ionscnamh féin, cumas anailísíochta
- Dea-scileanna cinnteoireachta agus breithiúnais

### Inmhianaithe

- Spéis inléirithe sna healaíona, i gcúrsaí cultúir agus oidhreacht
- Eolas ar an tionscal réigiúnach agus náisiúnta turasóireachta
- An cumas oibriú mar bhall de bhuíon

# Ard-Mhúsaem na hÉireann

---

## Próiseas Roghnúcháin

I gcás go bhfaightear i bhfad níos mó iarratas ná mar is gá chun an folúntas reatha agus aon fholúntas eile a mheastar a thiocthaidh chun cinn i dtréimhse an phainéil a líonadh, is féidir go gcuirfidh Ard-Mhúsaem na hÉireann próiseas gearrliostaithe i bhfeidhm faoina n-iarrfar ar roinnt iarrthóirí dul faoi agallamh ar bhonn an eolais atá tugtha acu ar a bhfoirmeacha iarratais. Ní hionann sin agus a rá go bhfuil na hiarrthóirí eile neamhoiriúnach, nó nach bhféadfaidís an obair a dhéanamh, ach go bhfuil iarrthóirí eile ann ar an ócáid seo atá níos cáilithe, ar bhonn an eolais atá tugtha acu, agus/nó go bhfuil taithí níos ábhartha acu. Ní aisíocann Ard-Mhúsaem na hÉireann aon chostas a ghabhann le taisteal chun agallaimh.

Ba chóir d'iarrthóirí a chur san áireamh nach mbeidh saoránaigh a chónaíonn lasmuigh den Limistéar Eorpach Eacnamaíoch cáilithe le cur isteach ar an bpost seo. Ballstáit an Aontais mar aon leis an Íoslainn, an Iorua agus Lichtinstéin atá san LEE.

## Scéim Luathscóir Dhreasaithe (ISER):

Is coinníoll é den Scéim Luathscóir Dhreasaithe (ISER), mar atá sé leagtha amach in Imlitir 12/09 na Roinne Airgeadais, go gcoiscítear daoine atá ar scor faoin scéim sin ó chur isteach ar aon phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.

## Imlitir (7/2010) na Roinne Sláinte agus Leanaí:

Le hmlitir (7/2010) na Roinne Sláinte agus Leanaí den 1 Samhain 2010 tugadh isteach Scéim Spriocdhírthe um Luathscor Deonach (VER) agus Scéim Iomarcaíochta Deonaí (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte poiblí nó san earnáil phoiblí i gcoitinne, nó i gcomhlacht a mhaoinítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Poiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.

## Comhaontú Comhchoiteann: Íocaíochtaí Pinsin le Seirbhísigh Phoiblí

Le litir dar dáta an 28 Meitheamh 2012 chuig oifigigh pearsanra, thug an Roinn Caiteachais Phoiblí agus Athchóirithe isteach Comhaontú Comhchoiteann, le héifeacht ón 1 Meitheamh 2012, a rinneadh idir an Roinn Caiteachais Poiblí agus Athchóirithe agus Coiste Seirbhísí Poiblí Chomhdháil na gCeadchumann maidir le híocaíochtaí iomarcaíochta ex-gratia do sheirbhísigh poiblí. Is coinníoll é den chomhaontú comhchoiteann nach gcáileoidh daoine a bhain leas as an gcomhaontú seo le cur isteach ar athfhostaíocht sa tseirbhís poiblí nó in aon chomhlacht seirbhíse poiblí (mar a shainítear iad sna hAchtanna um Bearta Airgeadais Éigeandála ar Mhaithe le Leas an Phobail, 2009-2011) go ceann dhá bhliain ó dheireadh na fostaíochta. Ina dhiaidh sin beidh toiliú an Aire Caiteachais Poiblí agus Athchóirithe de dhíth sula n-athfhostaítear an t-iarrthóir. Daoine a bhain leas as an scéim seo agus a d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

**Dearbhú:** Iarrfar ar iarratasóirí a dhearbhú cibé ar bhain siad leas roimhe seo as aon scéim luathscóir dhreasaithe seirbhíse poiblí. Beidh ar iarratasóirí a dhearbhú, leis, cibé an bhfuil aon teidlíocht acu ar phinsean seirbhíse poiblí (atá á íoc nó atá forchoimeáda) ó aon fhostaíocht seirbhíse poiblí eile agus/nó an bhfuair siad íocaíocht in áit seirbhíse in aon fhostaíocht seirbhíse poiblí.

# Ard-Mhúsaem na hÉireann

## TREORACHA CHUN IARRATAIS A DHÉANAMH

Íoslódáil foirm iarratais ó [www.museum.ie](http://www.museum.ie).

Ba chóir iarratais a chlósábh agus a chur chuig an seoladh thíos mar aon le litir shínithe iarratais agus CV, ina léirítear spéis sa phost dar teideal “**Feidhmeannach Margaíochta**”.

Ba chóir trí chóip de gach ceann den litir iarratais, den fhoirm iarratais agus den CV a chur **leis an bpost chuig:**

**An tAonad Gnóthaí Corparáideacha**

**Bloc 19**

**Ard-Mhúsaem na hÉireann**

**Dún Uí Choileáin**

**Sráid na Binne Boirbe**

**Baile Átha Cliath**

**DO7 XKV4**

Ba chóir “**Feidhmeannach Margaíochta**” a scríobh go soiléir ar an gclúdach litreach.

Iarrtar ort **seoladh ríomhphoist bailí monatóirithe** a thabhairt ar an bhfoirm iarratais. Úsáidfear an seoladh chun fáil an iarratais a admháil leat agus mar an príomhfhoirm teagmhála a bheidh againn le hiarratasóirí.

## Spriocdháta na nIarratas

**Ní mór iarratais a bheith faighte ar a 5 tráthnóna  
Dé hAoine 22 Feabhra 2019**

**NÍ GHLACFAR LE HIARRATAIS DHÉANACHA. FAOIN IARRATASÓIR A BHEIDH SÉ A CHINNTIÚ GO SEOLTAR GACH IARRATAS ROIMH AN SPRIODHÁTA AGUS AN SPRIOC-AM.**

Ní bhreithneofar iarratais ar an bpost seo ach amháin ar bhonn na foirme iarratais agus an CV. Iarrfar sonraí triúr teistiméirí **má théann an t-iarratasóir ar aghaidh chuig an chuid deireanach den phróiseas earcaíochta.**

**Dícháileoidh canbhasáil go huathoibríoch.**

# Ard-Mhúsaem na hÉireann

## Feidhmeannach Margaíochta

### Príomhchoinníollacha seirbhíse

#### **Tuarastal**

Socrófar an tuarastal ar an gcéad phointe de phá-scála an Oifigigh Feidhmiúcháin PPC **€29,316** (Athbhunú Pá Deireadh Fómhair 2018). D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

#### **Tionacht**

I gcáil phromhaidh ar feadh míosa a dhéanfar an ceapachán. D'fhéadfadh ceachtar páirtí an ceapachán a fhorceannadh uair ar bith de réir na nAchtanna um Fógra Íosta agus Téarmaí Fostaíochta 1973 agus 1991.

#### **Saoire bhliantúil**

Trí lá is fiche (**23**) an tréimhse laethanta saoire a ghabhfaidh leis an gconradh seo. Ar sheachtain oibre cúig lá a bhunaítear an tsaoire seo agus ní chuirtear laethanta saoire bainc san áireamh ann.

#### **Uaireanta oibre**

Socrófar na huaireanta oibre ó am go chéile ar aon dul le comhaontuithe lánacha ach ní sháróidh siad 43.25 uaire comhlán sa tseachtain (37 glanuaire sa tseachtain). Más gá uaireanta breise a oibriú, ceadófar íocaíochtaí ragoibre, nó am saor in lieu, de réir rialacháin ragoibre na státseirbhíse. Tá uaireanta solúbtha oibre ar fáil ar aon dul le beartas Ard-Mhúsaem na hÉireann ar uaireanta oibre solúbtha.

#### **Dualgais**

Ceanglófar aon dualgas atá cuí don phost, agus a d'fhéadfaí a shannadh duit ó am go chéile, a chomhlíonadh. Post lánaimseartha a bheas ann agus ní bheidh aon cheangal agat le haon ghnó lasmuigh a chuirfeadh isteach ar fheidhmiú na ndualgas oifigiúil. Aontaíonn tú tabhairt faoi na dualgais a ghabhann leis an bpost agus glacadh leis na coinníollacha faoina gcaithfear na dualgais a chomhlíonadh.

#### **Ginearálta**

Déantar an ceapachán faoi réir Achtanna Rialaithe na Státseirbhíse, 1956 go 1996, Acht um Bainistíocht na Seirbhíse Poiblí (Earcaíocht agus Ceapacháin) 2004 agus aon acht eile atá i bhfeidhm faoi láthair maidir leis an státseirbhís. Déanfar an ceapachán faoi réir bheartais Ard-Mhúsaem na hÉireann maidir le Cód na gCaighdeán agus na hIompraíochta.

#### **Aoisliúntas agus Scor**

Tairgfear na téarmaí agus na coinníollacha cuí aoisliúntais don iarrthóir rathúil, faoi mar atá i réim in Ard-Mhúsaem na hÉireann nuair a thairgtear an ceapachán. I gcoitinne, agus ach amháin i gcás iarrthóirí a d'oibrigh i bpost inphinsin seirbhíse poiblí (téarmaí na scéime neamhaonair) sna 26 seachtain roimh an ceapachán (féach alt d thíos), ciallaíonn sin go dtairgfear an ceapachán bunaithe ar bhallaíocht den Scéim Pinsin Seirbhíse Poiblí Aonair ("An Scéim Aonair"). Is iad seo a leanas príomhfhórlacha bhallaíochta na Scéime Aonair:

##### **a. Aois Inphinsin**

Is é 66 an aois íosta ag a mbíonn pinsean iníochta (ag méadú go 67 agus 68) ar aon dul le hathruithe ar an aois don Phinsean Stáit.

# Ard-Mhúsaem na hÉireann

---

## b. Aois Scoir:

Ní mór do bhaill na scéime dul ar scor ag aois 70.

## c. Maolú an Phinsin

- Má bhí an ceapaí fostaithe roimhe seo sa státseirbhís agus ag fáil pinsin ón státseirbhís, beidh feidhm ag na gnáthrialacha maolaithe. Ach má bhí an ceapaí fostaithe sa státseirbhís roimhe seo agus má bronnadh pinsean air/uirthi faoi shocrúithe luathscoir deonaigh (seachas an Scéim Luathscoir Dhreasaithe (ISER) nó VER/VRS na Roinne Sláinte faoi Imlitir 7/2010, a chuireann daoine as an áireamh don chomórtas seo, mar a míníodh thuas), beidh deireadh le teidlíocht an duine sin ar an bpinsean sin le héifeacht ó dháta an cheapacháin. Déanfar socruithe speisialta, áfach, chun seirbhís a thug an ceapaí roimhe seo a ríomh chun críocha aon dámhachtain pinsin a bhféadfadh an ceapaí cáiliú dó.
- Má bhí an ceapaí fostaithe roimhe seo sa státseirbhís nó sa tseirbhís phoiblí, tabhair ar aird go bhfuil foráil san Acht um Pinsin Seirbhíse Poiblí (Scéim Aonair agus Forálacha Eile) 2012 a leathnaíonn maolú pinsin chuig gach státseirbhíseach nó seirbhíseach poiblí a athfhostaítear fad a bhíonn pinsean seirbhíse poiblí á íoc. Tháinig an fhoráil chun maolú a chur i bhfeidhm sa tseirbhís phoiblí i gcoitinne isteach ar an 1 Samhain 2012. **Is féidir go mbeidh impleachtaí pinsin ag an bhforáil sin do dhuine ar bith a cheaptar sa phost seo agus atá ag fáil pinsin státseirbhíse nó seirbhíse poiblí nó a bhfuil pinsean státseirbhíse nó seirbhíse poiblí caomhnaithe aige/aici, pinsean a thosófar a íoc laistigh dá t(h)réimhse fostaíochta sa phost seo.**
- **Imlitir 102/2017 maidir le Scéim Luathscoir na Roinne Oideachais agus Scileanna do Mhúinteoirí**  
Thug an Roinn Oideachais agus Scileanna Scéim Luathscoir isteach do Mhúinteoirí. Is coinníoll é den Scéim Luathscoir, ach amháin sna cásanna atá leagtha amach i bparagraif 10.3 agus 10.3 de na himlitreacha cuí, agus sna cásanna sin amháin, má ghlacann múinteoir le luathscor faoi **Shnáithe 1, 2 nó 3** den scéim seo agus go bhfostaítear é nó í i gcáil ar bith in aon réimse den earnáil phoiblí, **cuirfear deireadh láithreach** le híoc aon phinsin leis an duine sin. Atosófar na híocaíochtaí pinsin ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an mhúinteora sin (.i. ní chuirfear na blianta breise a deonaíodh roimhe sin san áireamh agus an íocaíocht pinsin á ríomh).
- **Scor de dheasca easláinte** I gcás ina dtéann duine ar scor ó chomhlacht státseirbhíse nó seirbhíse poiblí ar chúiseanna easláinte is féidir go mbeidh a p(h)insean faoi réir athbhreithniú de réir rialacha an scoir easláinte atá mar chuid de scéim pinsin na fostaíochta sin.

## d. Iarsheirbhísigh Phoiblí

Cé gurb é ballraíocht sa Scéim Aonair na téarmaí réamhshocrúithe pinsin, mar atá leagtha amach sna paragraif roimhe seo, is féidir nach mbeidh feidhm aige seo maidir le ceapaithe áirithe. Tugtar gach coinníoll a rialaíonn cibé an mbaineann seirbhíseach poiblí leis an Scéim Aonair nó nach mbaineann san Acht um Pinsin Seirbhíse Poiblí (Scéim Aonair agus Forálacha Eile) 2012. Ach is é an príomhchás eisceachta (i gcomhthéacs an chomórtais seo agus i gcoitinne) nach gnách go mbainfeadh **duine a d'oibrigh i gcáil inphinsin (téarmaí nach téarmaí na scéime aonair iad) sa tseirbhís poiblí laistigh de 26 seachtain de dhul i mbun oibre, leis an Scéim Aonair**. I gcás mar sin is amhlaidh go dtairgfaí ballraíocht sa scéim pinsin do státseirbhísigh neamhbhunaithe (“Scéim Pinsin d’Fhostaithe Stáit Neamhbhunaithe”) d’iarrthóir mar sin. Chiallódh sé sin go mbeadh feidhm leis na forálacha maolaithe ag (c) thuas, agus anuas ar sin bheadh impleachtaí ann maidir le fabhrú pinsin mar a mhínítear thíos:

# Ard-Mhúsaem na hÉireann

---

## **e. Fabhrú Pinsin**

Bheadh feidhm le teorainn 40 bliain ar an tseirbhís iomlán a bheadh inríofa i leith pinsin i gcás ina raibh an duine sin ina bhall de níos mó ná scéim pinsin seirbhíse poiblí amháin. Tháinig an teorainn 40 bliain, a bhforáiltear dó san Acht um Pinsin Seirbhíse Poiblí, 2012, isteach ar an 28 Iúil 2012. **Is féidir go mbeidh impleachtaí aige sin d'aon cheapaí a bhfuil cearta pinsin faighte aici/aige i bhfostaíocht sheirbhíse poiblí roimhe seo.**

## **f. Asbhaint maidir le Pinsean**

Déantar an ceapachán seo faoi réir asbhaint maidir le pinsean de réir an Achta um Bearta Éigeandála Airgeadais ar mhaithe le Leas an Phobail 2009. Gheofar tuilleadh eolais i dtaobh Scéim Pinsin na Seirbhíse Poiblí do sheirbhísigh phoiblí ag: <http://www.per.gov.ie/pensions>

## **Saoire bhreiteachta**

Is féidir pá iomlán le linn saoire bhreiteachta le deimhniú cuí, ar choinníoll nach bhfuil aon fhianaise ann ar éagumas buan chun seirbhíse, a cheadú suas go 92 lá sa bhliain agus ar leathphá ina dhiaidh sin, faoi réir 183 d'uaslíon laethanta breiteachta in aon tréimhse ceithre bliana nó faoina bhun.

Iarrfar ar an gceapaí sainordú a a shíniú lena n-údarófar don Roinn Coimirce Sóisialaí chun aon sochair atá dlite faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn na breiteachta faoi réir oifigigh a dhéanfadh na maímh riachtanacha ar shochar árachais shóisialaigh chuig an Roinn Coimirce Shóisialaigh laistigh de na teorainneacha ama i dtrácht.

## **Rúndacht oifigiúil agus ionracas**

Beidh an ceapaí faoi cheangal ag forálacha an Achta um Rúin Oifigiúla 1963, arna leasú ag an Acht um Shaoráil Faisnéise, 1997. Aontóidh an ceapaí gan aon eolas rúnda, go háirithe eolas tráchtála, a nochtadh do thríú páirtithe le linn nó tar éis na téarma fostaíochta.

## **Réamhcheadú foilseachán**

Ní aontóidh an ceapaí ábhar maidir le dualgais oifigiúla a fhoilsiú gan chead roimh ré ó Stiúrthóir Ard-Mhúsaem na hÉireann.

## **Gníomhaíocht pholaitiúil**

Le linn thréimhse na fostaíochta, beidh an ceapaí faoi réir rialacha a rialaíonn státseirbhísigh agus an pholaitíocht.

## **Sonraí breise**

Gheofar forálacha maidir le téarmaí agus coinníollacha eile, ar nós catagóirí saoire (saoire mháithreachais, uchtála agus sláinte agus sábháilteachta san áireamh), a bhféadfadh cuid nó gach ceann díobh a bheith ábhartha maidir leis an gceapaí, leagtha amach in imlitreacha ar [www.personnelcode.gov.ie](http://www.personnelcode.gov.ie).

Níl anseo ach treoir. Eiseofar na téarmaí agus na coinníollacha iomlána mar chuid den chonradh fostaíochta.